

香蘇山館詩集

香蘇山館古體詩鈔卷四

東鄉 吳嵩梁 蘭雪

百歲張節婦詩

謂妾無夫妾有夫六載恩愛誓不渝謂妾有夫妾無夫  
七十九年形影孤天南地北音信無妾身閨閣心江湖  
青裙白髮涕泪枯妾身冰雪心蓼荼嫁夫年十五一女  
纒纒伴孤苦待夫至百齡夫竟不歸目不瞑苦節上壽  
皆可傳旌典不得邀生前一抔黃土埋寒煙有姪能文  
銘厥阡謂蔡東  
壘明府我詩合共貞砥鐫女貞一樹青參天  
補題蔣心餘先生攜二子游廬山圖卽送師退之

桂林

青芙蓉插白雲出天與先生作詩骨偶然憑眺亦千載  
屨齒蒼苔肯埋沒從游況有大小蘇笠檐高下筇枝扶  
松風瀑雨答清響一字濺落千明珠此畫成後八九年  
吳生始泊潯陽船五老峯頭華月吐涼夢夜照潭玉淵  
此詩傳和欲千首吳生始載藏園酒老梅花下拜涪翁  
許與諸郎爲石友騎鯨一去雲海空吾儕聚散如秋蓬  
名山小住尙難必何況樂與天倫同翦燈夜讀斜川集  
江館開簾嵐翠溼墨痕慘澹對三更山鬼詩仙皆飲泣  
仲兄書到薊門秋君去灘江又買舟雲泉且與開懷抱

莫更看山愴昔遊

題譚七子受光祜兒女英雄圖舊照兼呈君農光

祥

驚沙捲地霜草枯陣雲如幕圍穹廬天馬蹀躞鞭珊瑚  
牙旗一丈風舒舒金樽瀲灩翠袖扶馬前艷絕雙名姝  
紅綃作妓崑崙奴譚生意氣天下無我與譚生七年別  
肝膽向誰傾熱血飽看江南萬樹花蓬門歸掩蘇山雪  
富貴神仙願未成酒酣俠氣猶縱橫扁舟來聽章門雨  
鐵笛重吹塞上聲吾儕磊落眞男子萬里功名年少始  
肯將駮骨換黃金要令蛾眉附青史憂患頻年閱漸深

贈君寶劍更沈吟封侯亦是尋常事莫負平生學道心  
又題鐵簫乞食圖

烏金尺八涼於水蓮花吹落秋江裏美人駿馬佳公子  
落魄相逢竟如此吳市鶯花閱幾春舊曾遊處我傷神  
西華葛屐淮陰飯一樣天涯失路人

酬李晴雪

宗濤

畫竹兼寄尊甫韋廬丈

君懷此君軒池邊好修竹浣筆畫清湘枝枝映寒淥雨  
餘筠粉香展卷秋意足想見澹岩人臨流結詩屋  
我有石溪館秋筍高於林雲水成一碧蕭然生畫陰愛  
此畫中枝卧影同情深詩就寄溪上爲寫平生心

題萬輞岡小像兼謝作石溪詩意圖

輞岡畫手高無敵，曳裾不願王門客。  
歸卧濂溪舊草堂，湖山跌宕狂猶昔。  
梅顛新句瘦難勝，寫意惟君筆妙能。  
更五百年知此夕，萬花凍合一溪冰。

新建陸遠亭明府出其大父歸田讀書圖屬題

江田負郭松圍屋，插架縹緗盡經讀。  
高雲爲雨不歸山，溪影倒涵秋樹綠。  
先生作官閩嶠邊，手種枕椰半插天。  
荔支飽啖亦快意，終愛蓴鱸一味鮮。  
片帆歸翦吳淞水，三徑荒蕪重料理。  
猿鶴相將迓主人，幽花瘦竹都歡喜。  
秧針如繡田水平，牛笛緩緩煙中行。  
腰鎌映雪紅稻熟，

村酒可釀蔬可羹落葉疑雨天有星殘編入手黏枯螢  
誦聲夜半撼林末寒缸依舊兒時青富貴尋常眞脫屣  
高格如今能有幾一篇循吏授文孫千首新詩傳甫里  
我家舊館在香蘇負米年年感索居歸耕有約期終踐  
門掩梅花自讀書

題萬五廉山請纓圖

書生早負封侯骨濟南終童今再出白麟對後請長纓  
才子英雄俱第一君作此圖年十五劍氣如龍已騰擲  
副車誤中博浪椎去謁將軍但長揖荆蠻小醜敢跳梁  
大帥旌旗兩湖集君來幕府啟蓮花玉立長身映金戟

營門夜掩山月高萬馬無聲看艸檄奇兵問道解重圍  
輕騎宵行斬渠賊但誇書記是奇才誰信軍諮能料敵  
天威計日掃欃槍銅柱千年銘戰績功成不肯畫雲臺  
來判江南五花筆酒酣告我淚沾衣知己平生羨與畢  
度香秋帆 兩制府 二十年前兩少年嗟我與君皆丙戌君今作  
吏我計偕壯志蹉跎踰三十丈夫經世有實用詎肯甘  
心老篇帙勸君早種墓門松努力且供縣官職三吳財  
賦甲天下百萬蒼生需緩急兵農從古政相通綜理要  
當無事日漢家將相守令多絕代勳名能自必邊兒不  
識棄繻生請看此圖先屈膝



又題雪夢圖

千花萬藥凍成雪花裏玲瓏見明月衝寒特換五銖衣  
人影梅魂都豔絕梅顛風味共平生重展冰綃恰有情  
生愁綠鳳嬌啼早今夜羅浮夢欲成

題張古漁敦仁郡丞攜二子游廬山圖

廬山之雲白成海廬山之松青刺天青松白雲往往互  
出沒奔流萬仞直下九疊屏風前先生踏雲來五老手  
俱抗從以兩鳳雛左筮右筇杖雷霆戰苦冰雪寒怒濤  
勢欲浮千山松邊覓句水邊坐雲意詩意同一閒匡君  
別我十七年塵土汨沒人事牽名山咫尺有約不能赴

半江空翠夢泊潯陽船先生山中歸示我紀游卷綵毫  
飛擲萬芙蓉倒捲銀河入詩硯我慙且妬誦不休化工  
乃爾窮雕鏤徑思蠟屐追前游病鶴一放江天秋下視  
彭蠡眞浮漚三峽礧前萬松樹雲陰容我結茅住但覓  
先生聽泉處

李晴雪試馬圖

龍媒八尺毛骨殊錦鞍玉轡鞭珊瑚李郎愛此性命俱  
霜蹄一蹴萬里無我如病馬伏櫪久甘與駑駘共升斗  
孫陽晚遇亦蹉跎駿骨千金復何有單騎衝寒指鳳城  
酒酣讀畫眼先明杏花三月紅成海待汝天街並轡行

孟春初二日入都

前日守殘歲昨日迎初春團團酒一盃今朝餞行人  
人路久諳所畏非關津內顧增隱憂迴腸轉車輪

吾母體素孱旨甘況多缺卧病今始蘇頭白愈成雪  
兒貽令名強觀慰新別暗中神恐傷仰觀淚承睫

有婦亦中年持家多苦顏連宵治行裝盡質釵與環  
勸我當速行望我當早還馬蹄一尺塵闈夢千重山

三姪皆少孤讀書多未成教養苟不勤九原愧吾兄  
我生惟四女婉孌如雛鶯臨行牽我衣亦覺難爲情

及門有陶生

本忠

其才亦雛鳳早唼霜哺篇幸入玉堂貢

風雪從斯遊舟車我能共傷哉寢邱人負薪有餘痛爲

節母梅孺人之子廉

吏陶公金諧之孫

晴雪在庭樹鵲語何楂楂謂我此行利先期當報家我心反哺同羽毛悴天涯願汝傳好音春風簪杏花

自書南唐官硯詩後呈漕帥鐵冶亭先生

吳生琢句如琢硯一字工夫經百鍊惜哉不令鐵公見鐵公愛硯如愛才片石價重黃金臺惜哉不遇吳生來此硯歸公今得所不然棄擲終塵土吳生潦倒二十年賀硯以詩心獨苦東風一權凌黃河墨花怒捲千層波自攜新句擲公袖識公不早眞蹉跎公能擊節吳生歌

此詩此硯今無多嗚呼此詩此硯今無多生不逢公當奈何

詩龕移竹圖爲法時帆

式善

侍講作

霽堂

繆中翰炳泰

畫人如畫竹一生骨韻無由俗夢禪

瑛布衣寶

畫竹如畫人千枝萬葉同清真主人愛竹復愛詩身與詩龕作住持龕中移種竹千枝日在畫中人不知詩龕近在慈恩寺便是西涯移竹地石田老筆已荒寒此畫蕭然得詩意竹性只愛湘江幽移種長安非所求灌以玉泉此君醉詩龕一雨成新秋擔頭日日人賣花碧桃紅杏爭繁華主人高臥看修竹門外忙殺游春車我來

同拜茶陵墓歸就主人移榻住筍衣脫盡粉猶多風香  
吹透湖邊樹故鄉亭館亦蕭森手植年來半出林昨夢  
尋詩攜舊侶水雲綠遍柘溪陰

下第後用歐陽文忠公集中韻呈少農戴蓮士師  
薊之北阻江之西鄉心已起身猶稽廿年蹭蹬期一騁  
鹽車失勢哀霜蹄同學後先掇高第盛年意氣干雲霓  
俊鶻摩空縱奇翮秋蛩向夕聞酸嘶撐腸萬卷愧何有  
到眼五色非終迷玉堂修史爇紅燭書生守分甘黃齏  
所憂薄養乏升斗敢因困辱嗟塗泥先生德望冠臺省  
絳霄千仞升無梯卻愛飢寒出新句欲窮幽怪然靈犀

病鶴肯分清俸飼驚鳥仍借高枝棲百年富貴一彈指  
女蘿上與喬松齊才華冠古不經世何異舞鏡矜山雞  
遭逢縱快鯉燒尾老大已笑楊生梯香蘇山下我所宅  
湖光十頃浮玻璃風塵暫作計偕客骨肉動是經年睽  
村居絕妙入圖畫騎牛安穩勝駢驪稻田一雨高下綠  
水聲入礪花連畦北窗高臥看山色芒屨未用勞攀躋  
衰親兩鬢早成雪花前拄杖須親攜酬恩無計但感泣  
歸耕有約先扶犁

禮烈親王克勒馬歌二首國初禮烈親王有良馬

曰克勒猶漢言棗騮也順治朝汪編修琬爲作

傳今禮王汲修主人屬張檢討

問陶

爲補圖馬

高七尺長丈有咫耳際肉角寸許腹下旋毛若  
鱗甲然在軍中每聞鼓聲奮迅欲出嘗乘至安  
平適病蹄自跑土出泉洗其創而愈今有聖水  
泉王薨馬聞哭聲哀鳴不已未幾遂斃比奉天  
歲取馬至王猶問孰爲克勒馬種必善飼之嵩  
梁嘉其有古烈士之風因作是詩附書圖後

長白山高江水黑天遣神駒歸貝勒諸將遠巡不敢騎  
渾身血汗桃花色頭角嶄然鱗申動始信天龍有眞種  
生立功名死報恩畫中見汝猶神勇吉林岡連薩爾滸



不爲上言集 卷四  
巨礮驚雷箭如雨霜蹄奮蹴陣雲飛二十萬兵殲一鼓  
辛苦身經百戰場自跑泉水洗金瘡路人今日尋靈蹟  
一掬春波映夕陽

烈王勲德史有傳天馬今從畫中見百戰歸來汗血流  
論功馬亦當封侯王師破陣如破竹王來騎馬如騎龍  
四蹄雷電雙耳風但聞戰鼓先騰空跨山驀礮若平地  
豈知身在重圍中箭傷刀斫不能死得意騰驤日千里  
王歸天上馬人間矯首蒼雲淚如水功成身殞爲酬恩  
刻石昭陵未足論遼海年年千騎出王孫猶問舊龍孫

夏至日同法梧門侍講式善  
吳穀人祭酒錫麟謝

香泉禮部

振定

戴金溪刑部

敦元

張船山檢討

問陶

楊蓉裳員外

芳燦

吳玉松編修

雲

吳山尊

編修

鼎

蔡浣霞禮部

鑿揚

李虎觀戶部

邦燮

譚

蘭楣禮部

光祥

陳石士庶常

用光

陳玉方刑部

希祖

李春湖學士

宗瀚

蔣師退大令

知讓

胡香

海大令

森

黃賁生大令

郁章

陳雲伯孝廉

文述

郭厚庵明經

莖

姚春木上舍

椿

集春雲書屋分

韻得爲字

深院不知午青藤陰四垂蟬聲一何新風過鄰樹枝盡  
簪及清暇林館洵所宜停尊竝涼雨天末雲漸移兩君

詠皇華使節已先持黔山湘水間嘉會懷初離是日命典

試官玉松得貴我非經世才百事無可為寄託在文翰

州蘭楫湖南醉墨供酣嬉幸諧素心人愛我容不羈一卷抱冰雪願

與平生期

徐貞女詩長洲管錫齡聘室

女兒十六花一枝入門但著白麻衣郎生未嫁死始歸

月照空房霜入幃夢中郎來妾不知百年甘守聘一絲

殷勤為郎奉翁姥郎在黃泉莫心苦妾死為郎墳上土

穀人祭酒招集有正味齋分詠得許道寧夏雲欲

雨圖

微雨欲來山閣暝白雲收盡中峯影涼翠濛濛透葛衣  
一枕風泉夢初警車聲門外卽紅塵畫裏何緣著此身  
平生愛服清涼散去訪河間賣藥人

六月十二日山尊編修招集藤花書屋拜黃文節

公像

天爲江西闢詩派生此倚天拄地筆一枝我恨公生太  
早不我識夢公授我退聽堂中詩十一年前見公像質  
以所夢了不疑後生可笑不自量瓣香徑欲從公私是  
日祀公南昌之使院篆烟縹緲清笙吹使者自稱公弟  
子肅肅前拜諸生隨三家注本鈔版告初葺公之精神

面目凜然如生時

乾隆庚戌事江西舊無任瀛史容季溫三注全本翁覃谿師時方督學命

同人按刊使院并公裔孫當所著年譜及鄱陽許尹序皆全

聚散不可必得失心自

知一聲鶴唳別秋渚萍蓬豈得常相依今年值辛酉人

才萃京師爲公作生日頗憶南昌時上溯元豐之四載

俯仰今昔含餘悲公時改官太和令飽噉陳家新荔支

其年長我僅一歲

元豐辛酉公年二十有七

抗懷已作千秋期石牛

洞口山谷寺去年十月先有題橋詩嗚呼我公論文質

厚以爲本又云詩非苦思不可爲要從至性發神采但

求曹劉李杜皆毛皮沉憂百鍊出奇警一字落紙出不

移想見宜州成樓大風雨飢凍日日撚吟髭公詩自道

痛至骨世上但賞瓊瑤詞

用公浯溪碑詩句

平生游蹟刻不盡

今日有祠兼有碑涪翁以自號別駕人所思此外黔安居士八桂老人不復知爲誰只有山谷得名早至今皖公蒼翠疑霑衣山川顯晦亦有幸不幸何況文章風節萬古垂我謂公之魂魄定不死遊戲人海或者驟雲螭不然公生修水死於宜始終乙酉同一炊距今七百五十有六載我輩安能壽以花前卮

書傅忠毅公遺墨後

名宏烈南昌人國史有傳

慶陽告變賊切齒

詔徙梧州臣不死廣西失守官乞降殺賊臣當爲厲鬼

怒挾江濤行十里神蛟暗掖忠臣起投身賊中賊不知

乃入虎穴探虎子馳書欲撫孫延齡

廣西將軍

握臂深交尙

可喜

平南王

韶州斬獲復潯州義勇五千臣一體官階肯

負大將軍臣本江西布衣士馬雄之叛臣家亡百口同日埋沙場有司憂卹臣心傷柳州分據賊勢猖退保中山攻左江桂林稍定籌軍糧湖南會合士馬彊綠旗百戰鋒莫當

天威計日收櫓槍尙家之信飲日狂求馬求礮心徬徨厚集兵力東西防密疏入告周且詳惜哉誤收承蔭降

馬雄子

大功未就身先戍是維康熙十九載其時九月天

雨霜孟冬穆占復貴陽得公骸骨歸南昌

賜葬入祠謚忠毅嗚呼傅公真不媿才能濟變死從容

碧血淋漓手書字六世有孫官縣丞

徽瓏

丹墀頓首涕濕膺奏呈

御覽寵益增還以世守俾雲祲公氣河岳忠青史豈重  
區區書一紙敬承先澤酬 國恩勉立功名自今始

周定王蘭雪硯翁覃溪師屬賦

銘云割紫雲之片石兮漾璧水之沅

光欵署蘭雪背

日東書堂寶

周藩宮裏端溪石留與蘇齋試烟墨四百年來璧水香  
鐫題古篆看猶識騶虞獻後歸大梁不願移封就洛陽



帥儒會聘劉長史詞賦雅重東書堂鎮平博平皆好士  
南陵西亭亦相繼本草圖成爲救荒幽芳千種誰重繪  
汴河橫決浪如山迎取金容沒水還一片僊雲依舊紫  
卻隨玉椀出人間元朝宮樹傷心碧樂府當初歌不得  
斜陽秋草十三陵今日蟾蜍淚重滴未央殘瓦永平磚  
都與人家作硯田尋常故物知何限名字關心特可憐  
九日同法時帆學士謝香泉禮部楊蓉裳員外李  
墨莊主事蔡沅霞儀部劉芙初許青士兩孝廉  
陳石士庶常集陶然亭分韻得霞字

長安亦有感秋地幽尋不許塵隨車野亭三面俯雲壑

荒田一白皆蘆花，哀蛩沿徑語。相答閒鷗得，水浮爲家。  
石邊寒瀨響，激激林際密。雨來沙沙老，紅半樹葉爭墮。  
濕翠數峯雲，互遮聽鍾更覓煙外寺。汲井欲試春前茶，  
可憐古佛我同瘦。向來廢殿今增華，形骸自笑亦土木。  
供養何處無煙霞，浮生憂患日千種。吾儕聚散天一涯，  
風塵落魄有孤鳳。歲月回首如驚蛇，奇書海外客爭購。  
聖莊自疏 戰鼓城頭君自撾。蓉裳前以守伏 舊游十載  
球使歸 此蠟屐新詩九日誰籠紗。青山荷鋪便沉醉，黃菊插帽  
從欷斜。酒酣落筆氣逾壯，不知凍墨塗成鴉。

餞秋日再集陶然亭歸飲蓉裳寓齋兼懷船山

去日卽千載何必古與今重陽前度賞秋地紅葉漸少  
青苔深縱使歡悰尙如昨繞亭屐齒誰能尋暫別卽千  
里何必天一涯秋光如此不成醉瘦殺枝枝黃菊花縱  
使夜遊燭堪秉故人明日風中沙故人難聚秋可惜今  
日送秋如送客蘆花盡處只斜陽遙山一帶傷心碧長  
安車馬塵漲天此地曠觀殊可憐座中酒客何僊僊前  
多老蒼今少年少年跌宕百不憂日日題詩徧寺樓高  
才自合致身早痛飲肯負今年秋壯遊我亦青春客四  
度看花踏陳跡黯黯秋心二十年青山依舊頭初白感  
君意氣爲君歌海內知己今無多清狂卻憶船山老不

共花前金叵羅

時船山分校鄉聞

黃賁生由庶常改官彭水令屬船山畫冊贈行

我乞老船畫爲贈賁生行賁生復乞我題句我先讀畫  
難爲情怒濤出峽蒼厓裂中有啼鴉古來血君行未抵  
劍門關已見千山萬山雪君本謫仙人簪筆白玉堂一  
官忽墮百蠻裏文采爭憐孤鳳皇君我同歲生先我已  
通籍板輿迎養亦風流何事看花感淪謫縣令況是親  
民官讀書用世宜心殫能令赤子輸誠早豈畏青天行  
路難涪陵風土古稱厚頗習詩書安井臼山城前歲賊  
經過戰地重耕田苦瘦君出作吏憂未嫻杖藜那得窮

幽攀先除積弊養元氣訟庭兀坐如名山我求進士不  
得進霜雪蹉跎生旅鬢天寒愁煞倚閭人白雁南來少  
鄉信暮雲慘慘風蕭蕭送君更上蘆溝橋交君十年別  
萬里去住蒼涼乃如此君行復向故鄉過爲問衰親病  
若何平生空負淩雲氣今日相看淚最多

題襟館草木雜詠

老梧一千尺特立異羣樹孤根天所培年深飽霜露人  
間自春秋榮悴守其素

青蘭抱素心寄生蕭艾間叢深時一花香遠如空山臭  
味平生同對之終日閒

亭亭丹桂枝初花已含凍月中田地寬僊人不爾種零  
落小山秋飄香入殘夢

黃菊有正色離披終可哀心知背時花獨爲秋土開病  
蝶亦無依避人常一來

海棠花不多枝枝濺紅淚弱質難自持情深天亦忌可  
憐絕代人金屋轉憔悴

葵花大於盤高幹擎風霜感此負米客孤露同所傷但  
餘一寸心宛轉依秋陽

木蓮能拒霜自許乃標格不幸以艷名東風苦未識嫁  
晚豈傾城秋江照顏色

楊柳未搖落，慘綠先自憐。  
跪地千萬絲，畫此銷魂天。  
斜陽已不堪，況復飄殘蟬。

種竹望成林，碧陰浸庭院。  
吾愛秋筍枝，粉落節逾見。  
捎雲氣，干尋根，乃蒼龍變。

短籬蔓牽牛，花葉同一綠。  
故園秋雨多時時，上鄰屋再  
誦采藍詩，離憂頗悵觸。

蓼花亦能紅，其枝難強扶。  
移栽壞墻陰，潦倒思江湖。  
扁舟我未歸，夢與沙鷗俱。

江雁才一聲，秋色已如此。  
枝葉爛成花，苔陰照紅紫。  
老景能自妍，早衰殊愧汝。

孤芳秉佛性嘉名優鉢羅託根豈無地奈此秋風何持  
此一現花住世終蹉跎

述懷呈鐵冶亭先生

長白秀特鍾公秉青雲姿其才可經國餘緒傳歌詩我  
生菰蔣中少亦遊京師題襟徧羣公識公真恨遲

去年來廣陵載艤淮陰權一刺龍門投未見心孔悼公  
時在病中強起著紗帽覲面領神解拈花但微笑

我初未見公私淑由門墻索題官硯詩感激歌南唐此  
詩今寫獻賀硯先自傷片石豈足矜所幸歸歐陽

貽公詩一冊報我以千首攜壓運租船龍光射牛斗公



詩海與江百變無不有相契在昔岑託公名不朽

期我共千載憫我才一科淵源出大賢差足償蹉跎公

早樹桃李孫枝如筍多微名乃深注感愧當如何

庚申公門

生典鄉試者七人  
嵩梁兩座師與焉

別公入京師再下春官第公卿本愛才命窮才亦悴射

虎石誤穿軍中惜猿臂擊楫渡黃河依然負奇氣

國士感知我一第安足酬致身貴年少祿養況所求衰

親望成名霜雪今滿頭無官亦早歸歲歉難爲秋

公官雖督漕晨餐但秋菊貽我薦士書代謀將母粟吳

越多舊游硯田望先熟瓣香誦公詩蘇山閉門綠

題蒲髯出塞圖

廣文四十鬚如戟一第蹉跎老纔得報罷依然作冷官  
壯遊苦憶灤陽客灤陽秋色似黃河萬騎塵沙擁駱駝  
名王扈

蹕軍容壯蕃將吹笳朔氣多君騎瘦馬衝寒出行帳從  
容看珥筆想見詩成笑仰天青海風高皂雕急男兒意  
氣勒燕然書劍依人亦可憐酒酣一拓黃金弩我憶將  
軍射虎年

竹柏樓詩爲袁節母作兼示又凱秀才

樓上星與月樓下冰與雪母居樓中央竹柏矢高節柏

堅竹苦寒樓居十五年母足不履地母心惟籲天母身  
未死心先死願天佑我少孤子母身雖死心猶生願兒  
讀書成令名節母之子多儒林上天下地鑒此心君不  
見陽湖洪太史稚存先生鐙影機聲畫圖裏袁家孤兒亦如  
此

康山草堂歌爲江韻雲作

康山一卷石寄託城市間得姓乃以狀元誤盛名遂歷  
揚州山當年流竄猶英氣傅粉簪花恣遊戲若果尋秋  
到草堂名山便是埋憂地山上危樓倚夕陽風帆葉葉  
度雲檣隔江遙見萬峯揖白鷗影盡連空蒼山下不知

何代墓王侯草木今同腐夜半衣冠尙出遊神燈吹入  
青楓樹吳生年少來揚州第一華筵開此樓燭花萬朵  
照狂醉天河倒入銀槎流琵琶仙語復鬼語一曲聽殘  
淚如雨人海飄零又十年素心賴有山靈許昨夜秋風  
隨雁來主人招我傾新醅桂花三日落成雪飲酒不痛  
徒心哀君不見康對山歌且舞救友汚名心獨苦烏紗  
一擲能千古英雄才子亦黃土碌碌狀元何足數

書陳耳庵

鴻緒

解元疊韻詩後

手種桃李花不如松與柏耳厭箏琶聲不如金與石書  
生長揖氣吐雲豈少堦前地盈尺鐵公愛才天下知能

得真才意尤惜陳生倜儻真解元詞場年少推眉白十  
年書劍西復東傾蓋我記吳王宮有才如此士不進可  
憐硬句猶盤空酒酣縱讀氣爲壯淮海泱泱吹大風險  
韻十廢力千倍誓與韓孟爭奇功大材槃槃待梁棟讀  
書豈以科名重歸舟我望馬當山一權正須風力送秋  
霄何地縱神鷹老竹無花待飢鳳願君寶此璧連城他  
日當爲廟堂用

韓王釣臺再用杜韻

漂母祠前森古柏韓王臺下留荒石漢家陵寢已成灰  
突兀此臺更千尺英雄絕代位置難布衣王侯俱可惜

淮陰年少不登壇秋水一竿髮應白八千子弟來江東  
楚人一炬無秦宮鴻門宴罷玉斗碎雲夢游成飛鳥空  
嚴陵後來豈鑒此山水高被先生風文叔推心勝推食  
諸將幸保雲臺功感時寂寞思梁棟一臺獨以韓王重  
失路王孫我再來荒江一飯嗟誰送人間遭遇殊可哀  
野雞得意成威鳳生死功名兩婦人眞王如此眞何用

黃心庵

承增

招飲同裘參軍話舊

扁舟暫繫淮陰樹明日北風迴櫂去踏歌岸上來汪倫  
挽斷青衫留客住黃山詩老尤難得半面未謀心早識  
弔古來經漂母祠江山萬古同蕭瑟吳娃十五嬌可憐

畫橈迎取來樽前新花一朵照江水疑是江南三月天

吳生小別江南秋二十四花生暮愁

曲中舊有此名今惟唐芍藥謝芙蓉

尙在花事已秋矣

今年病起髮先白此身雖在如浮漚夜闌重

聽湘絃語宛轉新聲換宮羽黯黯江雲凍不飛歌珠百  
串拋成雨痛飲爲君倒玉杯美人名將易成灰韓侯釣  
石今千尺誰肯衝寒更一來

香蘇山館古體詩鈔卷四終

香蘇山館古體詩鈔卷五

東鄉 吳嵩梁 蘭雪

秋懷二十首

此生幸爲人此日殊可惜僊佛與蟲沙前身杳難識  
失脚塵海中自援苦無力惘惘三十年勞勞半行役

少秉猿鶴性邈然慕山林一墮文字障俗累從此深  
讀書能等身其氣頗駸駸所志乃日卑不過纓與簪文體  
摹東京賦才誇上林哀哉失衣珠傲帚成千金

匹馬踏槐花七戰皆不利名慚公府徵賦

召行殿試一科如登天旣得亦憔悴頗聞主司賢遺珠



發深峭岸幘公卿間窮途負奇氣遼海秋風高蒼茫萬  
行淚

骨相太寒瘦富貴非所期縱燒場屋文獨力昌吾詩哀  
吟屏人事一字千鑪錘搜奇天亦驚鑿險山爲移夢中  
得僂筆古來傳者誰心花連夜開不借東風吹

仙詩吟未成百鬼怨交集憂端從天來破巢風雨急身  
名苟自全寒餓計焉及一區供祀田租亦縣倉入

故鄉已無家襆被江淮遊持節有故人高義傾諸侯念  
我父未葬窀穸爲代謀知我母須養饋遺無不周庭闈  
願粗給身外吾何求平生感激多此德逾山邱

江南冶游天花月美無價玉人吹洞簫行雲駐歌榭誰  
知感秋客歡場轉悲咤酒半權船迴獨哭平山下

同心不數人各在天一方別久斷消息傳語多不祥遺  
書求茂陵殘笛哀山陽我死詎足悲餘生厭風霜所媿  
負知我百歲皆尋常

勞人故倦游雲壑懷清虛南豐有廢宅借讀名山書門  
集郡諸生俸分鄉大夫傳經媿都講迎養宜板輿一亭  
圍古松一圍種新蔬團圞奉菽水此味殊有餘

舊歲留公車羈懷苦抑塞四月斷家信中夜擾魂魄孟  
秋書始到慈體果不憚吾母嗟早衰憂勞有由積侍疾

茲不遑浮遊本非策積雨連關河百計歸未得典衣購  
紫葠臨寄淚先滴

我生惟一兄不幸已暴夭膝前四孤雛慘若墜巢鳥依  
我今十年飢寒幸相保學行憂未成婚嫁畢須早我年  
將四十一兒髮未燥種松望參雲樹成人亦老槭書慰  
寒閨頭白孫可抱且偕姪若婦殷勤事孀嫂

畿輔壯遊地連歲多偏灾蛟鰐狎巨浪所至山爲摧百  
家無一椽沃壤淪蒿萊水退差可耕飛蝗亂成堆民窮  
不爲盜橫死良可哀吾鄉更苦旱地瘠天不培貧家三  
十口請粟誰通財我爲求養出關此心驟灰決計掃蓬

戶扁舟歸去來

治裝七月杪才下通州船船行復濡滯望眼渴欲穿九月抵揚州十月當言旋一病三十日性命如浮烟埋頭藥裏中身世殊了然蓼蟲苦未足書蟬安得僊且復忍須臾勞生眞可憐

昨夜秋雨來先集梧桐樹病中聞此聲悲深轉成悟天地本寄廬萬劫一朝暮此身但微塵浮沈況多故自立苟不堅蓬觀亦爲誤請看歌舞臺下有英雄墓

丈夫樹奇節殺賊當提戈櫓槍淨一掃民氣歸天和對策空萬言不登李邵科故山可歸矣經世將如何

年少矜才華跌宕日千紙偶效六朝人佳句遂成綺意  
外流傳多閨閣效吳體詩成入繡絲其新亦可喜老筆  
今無花名心冷如水一榻茶煙青但求新睡美

閉門臥兼旬醯雞甘處甕讀史忽長嗟古賢入新夢觸  
邪忌神羊忍飢悼孤鳳厝火人不知履霜天已凍大廷  
正需才迂儒本無用蛾眉畫未成謠詠女先眾埋照託  
疎狂酒悲時一縱知己九原多仰天心骨痛

二豎夜相語此客狂且愚窮愁死不悔苦吟方自娛不  
如縱使脫罰令追詩逋昏眸試一揩庭菊如麗姝秋陽  
暖病骨計日當潛蘇白鷗心已飛浩蕩歸南湖

皇天憫竒窮官逋荷寬貸石田雖就荒草堂賀猶在老  
桂枝出樓蒼雲偃成蓋墻外香蘇山依舊掃寒黛人海  
闕已多村居終可愛溪梅吾故人花開當下拜

讀書二十年所見無一斑學道悔不早憂患高於山古  
人持定力出處殊安閒如何背康莊自行荆棘間治疾  
窮本源百念秋草芟人天聞慧香豈在肩禪關扁舟持  
釣歸柘溪多白鵬悠悠溪上雲未暝先知還

題詞附錄

王世孫 鐵夫

昌黎古之狂累作秋懷詩老鶴中夜警疲馬長塗嘶  
吾儕本秋士屬詠固其宜君顏若春花詩又奮其姿

當時青鏤管艷發桃李枝心花所怒生不遣春風知  
年來久憔悴把鏡瘦通眉可憐標梅嫁窈窕難自持  
卻歌壯士行決去幼婦辭幽響激哀玉孤致鳴寡絲  
么絃急無緒變徵聲匪怕鮮新出古澹抑塞成離奇  
五降不容彈悅魄恒於斯我聞春絢爛凍閉以爲基  
秋爲歸根始刊落亦所司領將霜前意渺我物外思  
誰能落其實索饗就晚期中聲要有止清廟登噫嘻

次韻答吳暉宇

焯

卽送歸南城

江雲久隔廬山面舊歲公車才一見邗上題襟墨未銷  
萍蓬明日風吹散故園可耕山可樵京塵不到龍門橋

扁舟歸去夢先美菰蒲兩岸秋蕭蕭讀君新句真傾倒  
意氣縱橫風格老筆采猶開夢裏花名心未翦霜前草  
酒狂一吸三千卮熱血平生澆向誰籠中病鶴仰天泣  
爭及閒鷗自在飛床頭鐵笛新求得贈汝摩挲銷永夕  
莫遣龍公倚櫂吹離人一聽頭俱白

次韻樂元淑寄白菴大庾

風塵漸老人間鳳鄉信經年隔章貢斜陽衰柳畫傷心  
去歲與君曾入夢百花洲水秋屏陰畫蘭畫竹詩同吟  
興狂潑墨日千紙當時意氣殊駸駸榜下秋風吹馬首  
前年同醉離筵酒一第蹉跎老未成經世才高復何有



今年匹馬辭燕郊幽棲誓結蘇山茅相如爲郎本非願  
賣賦聊解臨邛嘲淮海歸來舟一葉壯心誰擊中流楫  
聞君痛飲日無聊卧對滄江更愁絕病眼看花得暫新  
百年須愛苦吟身白頭能踐匡山約俱是儒林傳裏人

去年七月十三日夢白庵示一畫卷屬題絕句云繫馬  
斜陽何處村亂蟬鳴咽又黃昏垂楊誰畫當年樹葉葉  
秋烟是  
淚痕

題梓州惠義寺塔中唐人書藏經墨跡

二百十六字一字一牟尼雷電掣不去風火窮所施歷  
百千萬劫佛力陰護持塔圯寺亦廢完好如新時徐公  
遊梓州購此心力疲珍弄三十年考證疏羣疑鱗生陋

見聞來問元亭奇以何翰墨緣而乃獲覲茲竊聞曩哲  
言書家不難爲名跡得數行便足終身師況此十四頁  
翠墨猶淋漓薰浣朝夕玩神理若可追如何一捉筆十  
指同懸槌願借梵王法心手爲我移一笑拈妙花慧業  
生臨池

書曾賓谷都轉賞雨茅屋詩後

使君論詩妙入神千變萬化同一真使君作詩勇無匹  
天馬行空怒雕出我與使君交十年文字骨肉心纏綿  
隔春風笛怨楊柳及此五泊邗江船使君別後詩逾富  
大筆堂堂逼韓杜千言立就氣爲潮百鍊功成字如鑄

我才讓君十倍多讀書用世俱蹉跎散木自知成臃腫  
寒谿焉得稱江河畫船紅燭徵歌舞意氣當年狎龍虎  
此心病後入枯禪一任天花散成雨人間日日憂患纏  
若使長生更可憐江山過眼亦陳跡佳句尙可支千年  
君言絕業貴早成我聞此語心骨驚行年四十尙如此  
名山何忍孤平生古人樹立先功德但以詩傳原下策  
憑將忠孝發深情要使乾坤留正色千首光芒燭絳霄  
願君及早付開雕精神獨造無今古此集騷壇定不祧  
南昌使院呈座師李小松先生

讀書慕科第此意殊寥寥遭逢竊自慶瓣香歸大賢吾

師秉文衡心如月印川所拔多俊英桃李何翩翩我媿  
嚮道晚刻楮工徒然獎勗乃逾分引陟蓬山巔語我放  
榜夕紅燭高於椽書名至十四萬口同一傳京華使節  
歸望我眼欲穿往往誦佳句擊賞公卿前愛我才不羈  
翱翔挾飛仙神駿踏空行鹽車苦迤邐憂我名早知吳  
絲繡新篇百花爛春晴一雨難爲鮮講學務深厚習靜  
求幽偏閉門觀九州絕業當千年

京塵浩如海雷聲轉華轂名位豈不崇所志或榮祿公  
抱經國才金甌待枚卜著書方滿家說士甘於肉積雨  
庭樹陰簷聲瀉飛瀑下直但焚香西山捲簾綠我寓雙

樹軒載酒及休沐公臥刺亦投愛才到僮僕高秋詠皇  
華星輶踵前躅當年秋笋枝已作梢雲竹山川生異才  
禮樂待陶淑行看教養成高文化淳俗公車嗟久淹誰  
請西華粟執經願相從歸心繞林麓

去年七月杪買船下通州轉粟集萬檣客行多滯留九  
月抵邗江一病叢百憂寄生藥裹中身世如浮漚自念  
當永訣夢亦蘇門游恩知負平生地下安能酬冬晴氣  
稍蘇白髮新上頭典衣賃歸權浩蕩隨江鷗還家歲已  
除雪夜開層樓衰親抱孫出一笑涕始收積勞求暫息  
再生非所謀團圞酒一杯此樂輕公侯

我生嗟少孤兩母幸無恙疾並憂虞百懷無一暢近  
邀章服榮苦乏升斗養令名貽未能承歡職多曠吾父  
在殯宮霜露益哀愴買山近香蘇一棺始深葬羣公贈  
麥舟高義古不讓表章賴椽筆萬古照幽壙翁覃谿先生有  
兄復早歿撫孤愧無狀何幸桐孫枝栽培出宗匠憂患  
二十年身家託鯨浪以茲文翰緣陰荷神力貺兩世從  
公游恩深逾初望單門振自今立雪氣先壯

孤蓬載秋雨負笈來南昌公方局使院校士周且詳自  
序試牘文立言貴有常五倫與六經根柢爲詞章榜出  
士林賀羣英萃膠庠我隨玉笋班再拜升公堂公念久

不見握手喜欲狂存問先老母感涕惟沾裳出示哲嗣  
文有作皆擅場年少心怒花搖筆星吐芒奇才應運出  
生此孤鳳凰養成五色羽雲霄並高翔階前有病鶴垂  
翅心自傷聞此亦感奮高唳天爲霜經世與名山所願  
何日償努力在青史附傳韓歐陽

次韻答張愛濤

聰賢

進士兼示甘三海樵

之伋

蘭芷生沅湘臭味無差池鸞鶴慕儔侶高唳有餘悲我  
卧石溪館養病下空帷孤懷寫幽韻不願時賢知故人  
有吟癖愛我平生詩三載廢酬唱苦爲風塵羈藏園昨  
造飲百醉酒不辭告我從君游堂奧無弗窺彈琴山水

間賞音覲牙期爭琶眾耳諧乃或譏狂癡神契有仙才  
推我獨冠時凌雲每高唱聽雨先沈思心知面未覲病  
若渴與飢詰朝脫相見請以新篇貽文章交有神古義  
今見之投以感秋句酸入肝與脾君家本華胄綵筆先  
春摘褪躬先孝友講學懲澆漓經術本根厚綺麗餘波  
爲技也進乎道會不須與離贈我三百字字字經鑪錘  
幽花出晚秀喬松偃橫枝遐哉玉笛音妙得仙人吹世  
間病俗多聞此真名醫擊磬能雅歌風義況可師學步  
吾何堪驚蹇追黃驪夙懷今盡傾就君質然疑奇才戒  
縱橫大道歸平夷讀書爲經世愧勵方從斯同君慎出



處寶此無瑕姿

周素夫 世錦 蘇樓聽雨圖

君家蘇山在桂陽山下開扉嵐翠入夜涼微雨過山樓  
千朶芙蓉曉猶溼我寓蘇潭依灌城銅鼓亭空貯煙水  
竹枝出檐桐葉疎日日秋聲詩夢裏君來論詩喜欲顛  
自詫神交今十年瘦島何人肯金鑄癖嗜乃結前生緣  
金粟花前一杯酒意氣相傾感君厚塵海浮沈已半生  
俊骨仙心復何有亭中雙鶴歸杳冥病侶重來梳翅翎  
蓬山萬里孤月白縱能高唳難爲聽西風連日吹單櫂  
歸及故園秋未老香蘇山亦對門青雲樹蕭森如畫藁

山館思君翦夜檠疎疎涼雨又三更對床忽憶蘇公語  
今古銷魂是此聲

游積烟山求宋安撫使陳公偉節墓不得遂觀龍

潭而歸

積烟爲吾縣名山第一宋史載安撫使陳公偉節與元兵戰敗自剄於此山舊

有寺疑卽公祠今爲庵祀佛像二而附公木主其中庵後崖石如削鐵樹根有泉湛然一碧可鑑破竹之半卧爲橋仰承其流以入僧廚庭有方池雖苦旱不涸山之東麓有石龕俯臨絕壑相傳爲某禪師坐化處西麓有龍潭云持禪師遺鉢禱雨於此者多驗諸泉合爲瀑布或飛爲雪激爲電觸石而怒轉爲雷霆畢注於潭其深無底是日北風甚寒潭水欲冰澗聲冷冷然猶與松濤相答山坳多廢冢不可辨公裔孫在瑄溪者求其墓不得遂立主於庵然所題名字及官秩與正史未符嗚呼以公忠烈之氣死而不泯爲佛爲龍無所不可編黃者流乃妄附託以

自神而後人亦沿譚牒之陋而不考其詳可慨也嵩梁欲卽山爲立專祠會以入都未果他日歸當謀於瑄溪諸君卒踐斯約且樹碑潭上鐫本傳於陰而榜其門曰鶴心寺鶴心者公所撰詩集而陳氏譜以爲別字者也祠未成輒先爲此記以自堅其志而附以詩

南宋陳公死節處積烟萬劫爲名山寶陀庵在祠廟廢方池老屋殊荒閒有佛所坐今爲龕有龍所卧今爲潭孤忠埋沒詫靈蹟祇與樵牧資游談咸瀆進士名父子一辟幕官終不起趙家塊肉填崖山來作斷頭安撫使江東所部兵餘千屯火燒山事可憐李景何人乃偷活贖罪敢用朝廷錢文謝當時死相繼海枯石爛猶英氣陳家兄弟同捐軀一劍青霜照天地吾祖亦參丞相軍

空坑戰敗甘沈淪香蘇山下抱書死野史亭空惟斷雲  
忠魂俱作名山主天上論交定心許六陵無地種冬青  
何況孤臣一抔土公生無負死有歸爲龍爲佛皆所宜  
廟門應榜鶴心寺潭神附薦龍公祠此來攬勝攜山僧  
瀑布未斷溪先冰寒碧一奩不敢唾神物恐隨雷雨升  
山風日暮吹松柏廢冢如碁尋未得臨水招魂誦楚詞  
蒼茫此意無人識雲初近在瑄溪村祀典名山合並尊  
大書宋史刊元石我亦江西制幹孫

過蘇州上汪稼門中丞

平生不識汪中丞治行千載當服膺章丹惠政楊震節

澤如春雨心寒冰往年一秉吳西臬七十州縣官方澄  
安民第一在除暴搏擊鷲若霜天鷹通衢大榜列名姓  
示以積惡宜嚴懲聞風胆落竄山谷村犬不吠魚自罾  
剪除巨蠹養元氣刀圭應手蘇積癥江鄉萬戶卧高枕  
百年盛事覩未曾吾鄉地界閩粵交盜賊往往多侵凌  
販鹽造紙聚亡命奸胥大猾相依憑公來歛迹去復恣  
思公淚下如連繩三吳去年苦飢饉哀鴻中澤殊可矜  
似聞海賊購民米其害更甚蝗與蝻救時妙用公自有  
監河粟到炊烟騰今年雪霽風日暖麥綠已遍東西塍  
火龍照江馬行市傳柑節過猶張燈轅門鼓角春晝靜

宰官入定爲枯僧  
元墓梅花九千樹  
清游肯費酒數升  
東岳西湖有奇句  
乞公石墨貽行滕  
下士經世愧無術  
幽風詩獻吾差能

後康山草堂歌贈別江頡雲

草堂我舊游一過一沈醉  
樓以對山名萬古有秋氣  
主人家世稱豪賢黃金散盡客不前  
平泉草木無人問孤露傷心三十年  
梅花一樹香逾烈老樹新枝艷冰雪  
翟門冠蓋更如雲肝膽向誰傾  
熱血我與梅花多夙緣賞花獨在花未妍  
孤根偃蹇同松樹不卧寒溪定插天平  
生意氣千秋託車笠前盟愴猶昨  
此心萬里月一輪豈

與浮雲共飄泊東風連日吹怒濤鰲背笑兀三山高青  
天碧海瀉胸次此中芥蒂無秋毫迎門一笑倒雙屣執  
手相看吾老矣別來人事百未詳但讀新詩雜悲喜男  
兒樹立要不磨一身砥柱當江河摩天自許韓杜手蒼  
生凍餒將如何廿年辛苦才一科所得牛毛失已多不  
能殺賊提金戈徑合歸卧南山阿行年四十頭已白出  
世入世俱蹉跎湖山賴有故人在感激猶爲勞者歌歌  
聲夜半風雨急林葉蕭蕭山鬼泣乳鶯未囀新柳梢何  
處秋聲忽吹入江郎江郎真異才風塵混跡殊可哀救  
時但有尺寸補何論公卿與商賈君不見江南江北多

烟鬢此山兀傲如平山山下英雄六朝慕卻讓茲樓倚  
江樹吳姬十五初破瓜夜闌勸客彈琵琶長安卿相工  
畫諾痛飲且看揚州花

京口舟中寄賓谷運使

別君題襟館三換霜與星思君豈不勞對酒雲爲停江  
湖二十年飄若風中萍勞人故多病安神求茯苓衰親  
況寡歡念別先涕零膝前一杯水膳抵蘭陔馨吾髮亦  
漸白名山誰乞靈才華悔虛擲稍稍溫舊經以此百念  
灰終歲柴門扃卧看香蘇山江南無此青

前歲買青山改卜先塋兆譜牒繼以修焚香拜家廟書



成治行裝已質吳越權縣令纂圖志執祛苦相勞掌故  
三百年得失待讐校東鄉建雖晚前芬炳忠孝寒閨苦  
節多貞石懼弗耀興利宜通河除害先折漕藝文刪其  
繁風土紀厥要吾非著述才但以民隱告

扁舟溯潮來餘杭及姑蘇看山句或佳日就篷窗書昨  
夜京口泊妙高倚浮屠海雪化春潮山影涵清虛焦仙  
吾故人艤棹齋鐘餘循廊詩在碑未讀先歛歔館中手  
栽花計日皆芳敷相望已如此相見當何如

別題襟館

園花一千樹同植而殊科灼灼桃李英裊裊寄生蘿蕙

蘭有本性松桂無改柯地氣詎或偏榮悴如君何我如  
瘦梅樹生意苦不多移根自幽磻冰雪方峩峩苦寒守  
孤芳南枝笑蹉跎病蕊儻一花亦感春風和

君有著書手復抱經世才處脂故不潤清風被江淮况

得賢太守

謂張古餘

民氣日以培餘事領騷雅江山媚啣杯

我行入長安躑躅良可哀一蹴萬里雲舊侶多龍媒聞  
道惜已晚山處百願乖卽令取卿相自立安在哉西溪  
秋雨深漁莊臨水開幽期儻不負持竿當早來

寄張古餘太守江甯

吳生入都復出都與公相見皆姑蘇司馬官閒攝郡事

惠澤亦如春雨敷去年真作揚州守五馬未至民懽呼  
蒼生所在皆赤子痼疾豈以時地殊揚州財賦甲天下  
鹽田百倍民田租六朝花月廿四橋樓臺簫管無日無  
歌聲遏雲艷奪月利市一擲千明珠寒闈有女終夜織  
嚴霜九月無完襦閭井少年好身手飽食甘作商家奴  
柴門有客掩關卧方朔飢死慙侏儒公以名士作循吏  
政貴有體謀非迂要培士氣厚風俗先救民病除奸胥  
政成治洽歲大有詩酒乃得爲清娛不然平山盛文讌  
獨以永叔增欬歔吳生別公已三載閒居頗讀種樹書  
淨滌蟲蟻剪荆棘萬花千葉爭扶疎以此觀物悟化理

願公百弊勤爬梳清風亮節公有餘贈言聊復明區區  
暮寒一櫂翦江去思公不見心鬱紆迴看紅燭照烟水  
峩峩畫舫來游湖

玉磬山房同劉松嵐觀察話舊

論交二十年一別一萬里海東迢遞隔江南今日相逢  
復於此世間萬事如牛毛我死已經三度矣一死於金  
陵再死於揚州三死乃得狐首邱以訛而傳訛其說頗  
不侔杜牧之狂東野囚大抵落魄兼窮愁故人聞之雙  
涕流遺文零落頗相求茂陵果得消渴死亦樂豈有封  
禪之藁文君收瀋陽雪花大於席君與湘花坐太息長

安卿相無尺書海上蛾眉感飄泊此詩寫寄來桂林韋  
廬書達蘇山陰百年萍梗多浮沈與君萬里同一心虎  
邱玉蘭宋朝樹花入白雲無覓處紅袖攜從天上來玉  
簫聲斷尋春路別君五泊吳門船俯仰前塵今十年隨  
園袁竹汀錢已黃土潘榕臯蔣陸立雖在皆華顛吳生不生  
亦不死人天飄泊常如此飢來乞食飽種花不願傷心  
讀青史長安西笑殊無聊布帆再溯錢塘潮江流赴海  
去何急眼中突兀金與焦君昨訪詩碑直到焦山頂寫  
碑人葬空青山病鶴江天判雙影山中有余與稚存舊  
刻余詩則夢樓書也  
我自陽湖來稚存杭州去兩舟相遇雨不知與君康山

作良晤山中主人能愛客移船約近康山宅梅花落盡  
對山樓一潭雲水同蕭瑟痛飲且覆花前杯腰鼓琵琶  
往事哀達觀肯作千秋計天以名山養逸才

丹徒贈萬廉山明府

君父我父執金蔡

梅住葛山兩先生

同門墻君我同歲生論交

如雁行君才無不能書畫兼文章同時二三子文采傾  
南昌君歸自江南意氣殊激昂單騎踏陣出壯遊紀湖  
湘盾墨磨未乾巨筆摩天揚我題請纓圖勉君漢循良  
兵農政相通未雨謀宜臧三吳昨苦飢舊業多流亡知  
君能拊循且視民如傷爲誦春陵行淚下露衣裳

丹徒與丹陽相距不百里其地當海門夏秋多暴水怒潮從天來勢若萬馬駛可憐膏腴田盡汨泥沙底屢歉儻一豐收穫已無幾官方報有秋民半溝壑矣建閘扼其衝議自前歲始君實董厥成鉅細有條理蓄洩旣以時官民病良已田禾俱懷新糧艘去啣尾峩峩遺愛祠歲時奉牲醴謳思及生前其榮媿青史縣令官豈崇貴行其志耳實惠及斯民權乃卿相比郡守與縣尉並祀亦可喜飢渴易爲恩速效乃如此寄語親民官素心當自矢廉吏不可爲君亦廉吏子

述懷再寄廉山

進取非一途所貴因其材樹立苟不偉科第亦自媒時  
賢自許高韓范而鄒枚下聽寒士語秋草蛩吟哀我無  
術雲姿伏櫪甘駑駘冷官守四門需次仍遲迴鬻文而  
入貲家乃無立錐仕苟非爲貧躁進胡爲哉吾父歿已  
早孤露餘霜荏吾母名家女甘與絡秀儕慈烏終夜啼  
邀榮苦無階九鼎逮養難不如水一杯以此博一笑衰  
顏求暫開斑斑五色衣暗淚不可揩依人況已久顏色  
如死灰微官儻自給何至同輿僮嗚呼茂陵子賦手稱  
仙才當日作貲郎凌雲氣亦摧名士恥助邊卻拜黃金  
臺金臺不可恃飄若風中埃賢者爲親屈古義今所咍



感君有同病誦此腸九回終當棄雞肋蓬門閉蒼苔

河北杏花

河北連日多風沙斷腸頗憶江南花小樓聽雨在何處  
夢中春色移天涯小園紅杏兩三樹離陰漠漠輕烟遮  
其南一樹開獨早繁英照眼枝橫斜牆西兩樹特嬌小  
嫩寒浥雨初含葩嫣然一笑隔溪水玉容得酒紅生霞  
主人挑菜出門去蝴蝶成團蜂鬧衙尋常簪髻有村女  
寂寞尋春無鈿車浮生榮悴亦如此國艷往往生貧家  
夷光不解吳宮舞辛苦溪頭惟浣紗上林有地不汝種  
託根未免傷幽遐天生麗質不終棄桃李未許相凌誇

唐六如斷簫餘韻圖爲王香南禮別駕作

美人生小住姑蘇蘭蕙爲心冰雪膚雙鬢價抵千金壁  
百嘯歌成一串珠鬢影歌聲爭媚嫵香車細馬看迎取  
翡翠簾垂玳瑁床可憐明月當三五三五韶華彈指空  
離鸞寡鵠恨匆匆九華筍柱塵絲綠八寶粧臺淚粉紅  
芳草有情纔著雨落花無主又隨風誰知雁足傳書杳  
翻使蛾眉泣路窮路旁憔悴無人惜愁絕瓊枝傍荆棘  
石竹衣銷隔歲香芙蓉鏡改當時色從此芳心寸寸灰  
羞他文鳥雙雙翼斯養由來痛失身名姝何取誇傾國  
傾國傾城願總違瑤臺金屋事依稀舞殘玉笛驚鴻逝

吹縹湘裙化蝶飛香魂在苒憐猶在瘦影娉婷訝轉非  
雲雨至今疑宋玉琵琶終古怨明妃畫中風景愴猶昨  
只少江南好樓閣絲絲搖月柳聲疎葉葉垂烟梧影薄  
烟月蒼茫換六朝年年幽怨咽清簫一枝紫玉腸同斷  
雨袖黃金淚未銷六如本是傷心者剩粉零脂借揮灑  
平生乞食徧歌姬死當埋骨桃花下釣月亭空二百年  
雲英掌上見嬋娟詩成爲汝青衫溼夢繞潯陽送客船

香蘇山館古體詩鈔卷五終